



Broj:  
Maglaj:

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj:12/03, 34/03 i 65/13) i člana 18. Statuta Općine Maglaj-prečišćen tekst ("Službene novine Općine Maglaj", broj: 8/07, 3/08 i 6/08), a u vezi sa aktom Nadzornog odbora KJD d.o.o. Maglaj, broj:01-1273-2/21 od 09.12.2021. godine, Općinsko vijeće na sjednici održanoj dana 2022.godine, d o n o s i


**O D L U K U**  
**o davanju saglasnosti za imenovanje direktora**  
**Komunalnog javnog društva d.o.o. Maglaj**

Član 1.

Nadzornom odboru Komunalnog javnog društva d.o.o. Maglaj daje se saglasnost za imenovanje Mehmeda Bradarića na mjesto direktora Komunalnog javnog društva d.o.o. Maglaj za naredni četverogodišnji mandat.

Član 2.

Ova Odluka stupa na snagu danom donošenja i ima se objaviti u "Službenim novinama Općine Maglaj".

Obrađivač: Emina Hasanić 

DOSTAVLJENO:

1. Nadzorni odbor KJD d.o.o. Maglaj
2. Služba za privredu, finansije i razvoj poduzetništva
3. a/a

PREDSJEDAVAJUĆA  
Svjetlana Zamboni-Radovanović

Broj: 01-1235-2/21  
Datum: 09.12.2021. godine

OPĆINA MAGLAI

- OPĆINSKO VIJEĆE MAGLAI
- SLUŽBA ZA PRIVREDU, FINANSIJE I RAZVOJ PODUZETNIŠTVA

FEDERACIJA BOSNE I HERCEGOVINE,  
OPĆINA MAGLAI  
Služba za boračko-invalidsku i socijalnu zaštitu,  
opću upravu i društvene djelatnosti

PRIMLJENO	10.12.2021.		
Org. jedinica	Klasif. oznaka	Redni broj	Broj poštom
		7956	

**PREDMET:** Saglasnost na konačno imenovanje direktora KJD d.o.o. Maglaj, traži se.-

Nadzorni odbor KJD d.o.o. Maglaj donio je dana 26.10.2021. godine Odluku o pokretanju postupka za izbor direktora KJD d.o.o. Maglaj.

Nakon što je Nadzorni odbor utvrdio kriterije za izbor direktora, raspisao je Javni konkurs za izbor i imenovanje direktora KJD d.o.o. Maglaj broj 01-1167-2-1-1/21 od dana 10.11.2021. godine, koji je objavljen dana 11.11.2021. godine u dnevnom listu Oslobođenje i u Službenim novinama FBiH dana 12.11.2021. godine.

Javnim konkursom definisani su opći uslovi koji su kao takvi propisani relevantnim zakonskim odredbama, te posebni uslovi koje kandidat mora ispunjavati, a to su:

- Posjedovanje visoke stručne spreme (VSS)
- najmanje pet godina radnog iskustva u struci
- posjedovanje menadžerskih znanja i iskustva za izvršenje operativnih i poslovnih potreba društva.

Prilikom provođenja konkursne procedure, Nadzorni odbor je obavljao funkciju komisije za izbor.

Dana 29.11.2021. godine donesen je Poslovnik broj 01-1255-4-1/21, kojim su su regulisana pitanja načina rada, načina provjere znanja kandidata, kao i načina i kriterija ocjenjivanja kandidata za izbor i imenovanje direktora KJD d.o.o. Maglaj na mandatni period od četiri godine.

Bodovanje menadžerskih znanja i iskustva za izvršenje operativnih i poslovnih potreba društva zasnivalo se na bodovanju plana i programa razvoja preduzeća za naredne četiri godine, komunikacijskih, organizacijskih i rukovodnih sposobnosti, poznavanja propisa iz oblasti komunalnih djelatnosti i upravljanja komunalnim društvima, dok je Poslovnikom regulisano da se, ukoliko dva ili više prvorangiranih kandidata imaju jednak broj bodova, jedan bod dodjeljuje kandidatu čiji certifikati, preporuke, potvrde i/ili drugi dokumenti relevantnih organizacija ili institucija prema procjeni Komisije najbolje ukazuju na posjedovanje menadžerskih sposobnosti kandidata.

Po isteku roka za prijave, a dana 06.12.2021. pristupilo se otvaranju prijava pristiglih na Javni konkurs, te je konstatovano da su na Javni konkurs blagovremeno pristigle dvije prijave:  
Prijava Bradarić Mehmeda i prijava Ismičić Edina.

Na istoj sjednici razmatrane su prijave oba kandidata, te je konstatovano sljedeće: obje prijave su blagovremene, potpune i uredne, odnosno oba kandidata ispunjavaju uslove za izbor i imenovanje direktora, te je shodno tome donesena Odluka o vremenu i mjestu održavanja intervjua i načinu obavještanja kandidata.

Shodno gore navedenoj Odluci, dana 09.12.2021. godine obavljen je intervju sa oba kandidata. Prilikom pristupanja kandidata na intervju, kandidati su upoznati sa standardom ličnog integriteta koji se traži za lica imenovana na poziciju direktora, objašnjena su im pitanja o sukobu interesa, kandidatima je dostavljen obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njihovog imenovanja, te su kandidati informisani o pravu i načinu podnošenja prigovora na imenovanje direktora. Nakon obavljenog intervjua, također dana 09.12.2021. godine, pristupilo se bodovanju kandidata, te je utvrđena

rang-lista.


Rang lista formirana je kako slijedi:

Prezime i ime kandidata	Općina	Ukupan broj bodova
Bradarić Mehmed	Maglaj	74
Ismićić Edin	Maglaj	65

Na osnovu navedenog, molimo Vašu saglasnost da Nadzorni odbor KJD d.o.o. Maglaj konačno imenuje prvorangiranog kandidata Bradarić Mehmeda za direktora KJD d.o.o. Maglaj, u narednom četverogodišnjem mandatu, te Vas molimo da se ova odluka što prije razmatra, kako bi se mogle preduzeti radnje prema nadležnom registracionom sudu, kao i zbog omogućavanja kontinuiteta u poslovima rukovođenja i upravljanja Društvom.

S poštovanjem.

Dostavljeno:  
2x Naslovu  
1x A/a

PREDSJEDNIK NADZORNOG ODBORA  
KJD D.O.O. MAGLAJ  
  
Mešić Alma

"KOMUNALNO JAVNO DRUŠTVO" d.o.o. Maglaj

Žiro računi: PBS banka 101145000071212; ABS banka 1990460003274429; UNICREDIT Zagrebačka banka 3385602200011396